


Museo Numismatico trahando cu man mara

Falta di computer, di personal, placa cu ainda no ta disponible ta algun di e problemanan confronta



Museo Numismatico ta pasando aden y asina yuda nan soluciona nan necesidadnan. Di e forma aki, e museo lo sigui ubica como un atraccion masha grandi den nos

comunidad, pero cu e hermentnan necesario pa traha di e mihor forma tanto na nivel local como na nivel internacional.

ORANJESTAD (AAN)-- Aunke Museo Numismatico ta ricibi e apoyo di ATA pa promociona e museo den exterior, DIARIO a ripara cu actualmente nan tin un necesidad basta grandi di apoyo tanto di gobierno como di comunidad. Recientemente DIARIO a bishita e museo y ta hopi dificil di kere cu nan no ta conta cu e ayudo di un computer pa realiza nan trabao, cual ta un herment indispensable awendia. E fundacion actualmente y semper tin un necesidad hopi grandi di traha brochure, flyers, carta, label pa nan exposicionnan, entre otro trabaoan importante. Ademas, cualkier hende sa cu awendia un computer ta un porta inmenso pa comunica cu henter mundo atravez di internet. Desiree Croes, Directora di Museo Numismatico a manifesta cu hopi di e turistanan ta comunica cu e museo atravez di email y nan ta haya informacion door di e website y aunke ta parece un problema menor, e falta di un computer ta laga nan sin comunicacion cu e personanan interesa den e museo.

Ta importante pa menciona cu Museo Numismatico ta e cara di Aruba pa nos turismo y un cantidad masha grandi di turistanan ta bishita nan instalacionnan regularmente, locual ta importante pa tuma nota di e problematica actual cu e museo ta confrontando. Croes a señala cu e museo ta carece di hopi cos, aunke nan fachada ta hopi bunita, nan tin mester di material di apoyo. Por ehemplo, e museo mester di un computer urgentemente, caminda tin dos luna caba sin por actualiza nan filenan y realiza nan rapportnan diario. DIARIO a compronde cu e museo a tuma contacto cu varios comerciante y doñonan di lugarnan cu ta bende computer pa mira e posibilidad di haya un donacion, pero esaki no a wordo logra ainda. Directora di Museo Numismatico a haci un yamado na e comerciantenan pa brinda un man y asina yuda e fundacion. Tur e periodistanan y agencianan di viahe cu bin Aruba ta pasa den e museo ya cu ATA ta trece nan y nan ta bay cu un bon bista y opinion di e

museo. *"Esaki ta duele nos cu nos no por duna mas, nos por duna hopi mas, pero nos ta falta tools manera Flyers, Business Cards, cosnan asina chikito cu e comerciantenan por yuda nos cune"*. Croes a señala cu nan presupuesto di 2004 a pasa pero te ainda nan no ta dispone di dje. Esaki kiermeen cu e museo ta man mara sin ni sikiera por compra ink pa e fax mashin. Ta bon pa menciona cu e fundacion ta wordo financia 99% door di gobierno. E salario subsidie ta proveniente di gobierno, pero ainda e museo tin mester di personal pa locual ta spera cu pa e proximo presupuesto gobierno por yuda nan cu mas subsidio pa salarionan y asina integra algun persona, entre otro personal administrativo, pa limpieza, trahadornan cultural cu lo yuda atende e bishitantenan. Actualmente, e subsidio di explotacion di e museo ta na mas o menos Afl. 1500, suma cu museo no ta dispone di dje ainda. Ohala tanto gobierno como e comerciantenan por tuma nota di e situacion actual cu